

Tiänujuv luosâpivdokiäldu vuáimán 10.6.2022

Luosâpivdokiäldu Tiänujuuvâst lii puáttám vuáimán onne 10.6., ko täsivääldi president lii nonnim kiäldun kyeskee laavâ. Laavâ miel luosâ lii rávhuiduttum já luosâpiivdon uáivildum pivdopiergâseh láá kiöldum ive loopâ räi.

Kuálástuskiäldu rikkomist puáhtá tuommiđ sáákun. Toos lasseen luosâ salâsân väldimist tyemmejeh staatân monâtemnáál tom áárvu, mii lavâttes salâsin valdum kyeleest lii šlaajâs ovdâsteijen. Luosâ uásild árvu lii 3 480 eurod.

Lopâlijd čuávdušijd taan ive Tiänu kuálástusmiärádâsâin luosâ uásild soppii spiekâstâhlávt maŋneed. Kuálástuskiäldun kyeskee lahâiävtuttâs vaadâi ovdâskode kiedâvuššâm lasseen meid vuáđulahâváljukode kiedâvuššâm. Veikâ kiedâvuššâmproosees moonâi jotelávt, te laahâ ij kiergânâm vuáimán ovdil, ko kuálástuspaje aalgij.

Luosâpivdokiäldu tiet láá ložádâm kuálástusmiärádâsâid nuubij šlaajâi uásild . 6.5. vuáimán puáttám miärádâsâin puáhtá luuhâđ tärhibeht [eennâm- já meccituáluministeriö tiäđättâsâst.](#) (5.5.2022).

Lasseen taan paje Tiänu mađhâšemkuálástusluuvij hadeh sehe eromâš kuálástuslopetiätumere meeri kuálástusvuoigâdvoudâ omâsteijeid, kiäh ääsih Tiänu čácádâhkuávlu ulguubeln, láá nannejum staatâräädi asâttâssáin. Tai luvijguingin ij uážu pivdeđ luosâ.

Lasetiäđuh eennâm- já meccituáluministeriöst:

Vesa Ruusila, pivdotuáluräđiolmooš, p. 02951 62051, vesa.ruusila(at)gov.fi

Tapio Hakaste, ráđádâllee virgeolmooš, p. 02951 62152, tapio.hakaste(at)gov.fi